

大清仁宗睿皇帝實錄

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之十三

監修總裁官經筵日講起居注官太子太傅武英殿大學士文淵閣領閣事稽察欽奉 上諭事件處管理工部事務翰林院掌院學士隨帶

加二級尋常加四級臣曹振鏞總裁官太子太保文淵閣大學士管理刑部事務加五級臣戴均元經筵日講起居注官太子少保內大臣文淵

閣提舉閣事稽察欽奉 上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統

領管理戶部三庫奉宸苑清漪園等處總理工程處御膳房御藥房太醫院西洋堂事務軍功加三級隨帶加二級尋常加十三級紀錄十二

次臣英和經筵講官太子太保禮部尚書工部尚書房行走武英殿總裁管理國子監事務加六級隨帶加二級紀錄四次臣汪廷珍等奉

敕修

嘉慶二年丁巳春正月壬寅朔

上侍 二平丁巳春五月壬寅

太上皇帝詣

奉先殿行禮○

上詣

堂子行禮○遣官祭

太廟後殿○

上奉

太上皇帝御太和殿率王以下文武大臣官員

蒙古王公台吉及外藩使臣行慶賀禮禮成

太上皇帝還宮

上御殿受朝。作樂宣表如儀。○侍

太上皇帝詣

壽皇殿行禮。○侍

太上皇帝御乾清宮。賜皇子親藩等宴。○癸卯

諭軍機大臣等。據李奉翰奏。豐汛壩工合龍

在即。乃西壩後身。又忽蟄裂。此亦無可如何

之事。據稱壩基係於灘上起築。口門收窄。水

長陡蟄。但向來漫工。多係灘上起築。此次究

係鑲築未堅所致。該河督等不可稍存怨尤之念。惟當督率員弁。趕緊於初十日內合龍穩固。尚可將功抵過。將此諭令知之。○免湖北漢川。公安。石首。松滋。四縣。元年水災額賦。加賑荆門。潛江。天門。沔陽。江陵。監利。六州縣。被水災民。○加賑江蘇。豐沛。銅山。碭山。邳。蕭。睢寧。宿遷。桃源。海。十州縣。板浦。中正。臨興。三場。山東單。魚臺。濟寧。金鄉。滕。嶧。六州縣。臨清。濟寧。二衛。陝西膚施。安塞。靖邊。定邊。懷遠。綏。

德米脂。七州縣。元年被水災。民有差。○貸安。
徽鳳陽。宿靈璧。泗。盱眙。五河。壽。鳳臺。懷遠。定。
遠。亳。太。和。天。長。十三州縣。被水災。民口糧。
有差。○甲辰。

上侍

太上皇帝御重華宮。茶宴廷臣及內廷翰林。以。
平定苗疆聯句。○以孟春時享。
太廟。自是日始齋戒三日。○乙巳。諭內閣。宜綿。
等奏洞汝二河賊匪恃衆抗拒。經宜綿等分。

路攻勦冒雪前進殺賊多名將首夥各犯悉
數殲擒並無漏網辦理實屬可嘉宜綿秦承
恩柯藩索費英阿除另加獎賞外俱著交部
議敘索費英阿於賊寨迤南進兵連奪五卡
官兵得以乘勢下壓尤為出力著賞給提督
銜以示獎勵再向來鄉勇人等多無職銜其
因打仗陣亡者尚不得與兵丁等一體邀卹
殊不足以勵其忠義之心即如此次官兵進
勦洞汝二河賊匪時鄉勇吳繡才鍾萬周與

弁兵等首先奪卡中矛被礮身死此等能知
大義殺賊捐軀之人實堪憐憫自應格外施
恩嗣後除尋常堵禦助勢被害之鄉勇仍照
舊例辦理外其奮勇出衆臨陣被戕如吳繡
才鍾萬周者均著照外委例議卹以示優獎
而昭激勸○又諭據富綱等奏請將銅山睢
寧二縣蠲贍熟田漕糧暫緩起運一摺銅山
睢寧二縣應運漕糧向由黃河運至水次兌
交北上現在豐汎漫口雖即日自可堵合但

下游一時未能疏通。聞有淤淺。若由陸路輓運。需費浩繁。殊多未便。所有銅山。睢寧二縣上年徵存米石。著照所請。准其搭運。以示體卹。○諭軍機大臣等。明亮等拏獲首逆石三保家屬。並查拏賊目隴得保等。分別辦理。所奏甚是。現在祇有吳廷英。吳廷玉。及吳八月家屬。尚無下落。想亦易於查拏。計此旨到時。疏通大路各事宜。辦理已竣。畢沅亦可到彼。姜晟現抵乾州。明亮即可將後路各事交與

畢沅鄂輝姜晟查照和琳奏定章程以次妥
辦明亮仍酌帶應徵川兵迅往太平東鄉一
帶額勒登保德楞泰探聽湖北黃柏山及鍾
祥何處亟須添兵即迅往該處或分赴長陽
鍾祥上緊勦辦將此各傳諭知之○軍機大
臣刑部議准臺灣提督哈當阿等奏千總鄧
龍光於大雞籠汛被洋匪搶去礮位依失陷
上城寨律擬以斬候得旨洋匪百餘人攜帶鎗
械猝然登岸鄧龍光祇有跟兵七名勢難抵

禦覈其情罪。與臨陣退縮者有閒。著改為應
斬監候。永遠牢固監禁。遇赦不赦。此係格外
施恩。不得援以為例。○以洞汝二河勦賊功。
賞道員文需。知府龔景瀚。知州趙洵。莊忻。叅
將富仁。遊擊圖興。阿。李昌。花翎。知縣龍萬育。
等。藍翎。都司薛大烈等。升擢有差。○以擒獲
石三保家屬功。降苗吳廷梁等。升賞有差。○
丙午。命署江西巡撫。兩江總督蘇凌阿。回任。
以戶部侍郎台布。署江西巡撫。○丁未。享。

太廟

上親詣行禮

○遣官祭

太歲之神

○惠齡等奏報夾勦梓山賊匪得

旨嘉獎千總劉鎧等升擢有差

○戊申

世祖章皇帝忌辰遣官祭

孝陵

○是日立春順天府進土牛春山寶座

○

上以上辛祈穀於

上帝自是日始齋戒三日

○己酉調盛京刑部

侍郎傅森為兵部侍郎

○以辦理襄陽軍務

出力賞知府張瑑張璿花翎同知蕭與潔等

上藍翎○庚戌

上詣

南郊齋宮齋宿○諭軍機大臣等吉慶等審辦

海洋盜犯一摺內稱察訪江坪地面係閩粵

民夷雜處勾結為匪如有應行知會安南之

處臨時再繕發照會等語細思事有所難如

該國王果不知情自可照會搜捕今據拏獲

大夷匪羅亞三等供稱安南烏艚有總兵十二

主人船一百餘號。並據起獲印記。是此項烏艚
夷匪。皆得受該國王封號。其出洋行劫。似該
國王非不知情。若令會合拏賊。彼豈肯聽從。
且內地民人。出洋為匪。尚不能官為禁止。何
況外夷。儻安南藉詞抵飾。何從與之分辨。又
豈值因此生釁。興師征討該國。耶吉慶等。惟
當於閩粵浙江三省洋面。飭屬會擒。遇有外
洋駛入夷匪。無論安南何官。即行嚴辦。再此
後拏獲安南盜匪。審明後。當即正法。毋庸解

京以省驛站解送之煩。將此傳諭知之。○惠齡等奏報。進勦鍾祥竄匪。得旨獎賚。賞三等侍衛江鼎。藍翎侍衛塔什蘭。副將觀祥。委章京烏勒興阿。防禦扎勒杭阿。都司岳寧阿。巴圖魯名號。知州阿林。都司郭成緒。花翎千總劉鎧等。藍翎侍衛丑保等。并用有差。賞兵丁一月錢糧。○辛亥。祈穀於上帝。○上帝。上親詣行禮。○侍

太上皇帝御紫光閣。賜蒙古王貝勒貝子公額駙台吉及回部郡王外藩使臣等宴。賞賚有差。○壬子。

上侍

太上皇帝幸圓明園。○癸丑。罷水師冬閱。鳧水諭內閣。據吉慶等奏。校閱各標營官兵一摺。內稱現值冬深閱兵之期。查閱內河水師弁兵。駕駛便利。在船施放鎗礮。尚屬熟練。鳧水爬桅亦屬嫺習等語。此語不通。粵東氣候雖

屬和暖。但水性寒冷。且正屆隆冬之時。令人
赤身入水。究未免不近人情。官兵等若遇追
捕洋盜。即赴水擒捉。亦分所當然。至於尋常
操演。自應按時練習。即如該督所奏。駕駛兵
船。施放鎗礮。及爬桅等技。藉以操練武備。則
可。至於鳧水一節。行之冬令。殊無此理。該督
等若故令兵丁等冒寒入水。固覺太不體恤。
儻並無其事。僅以一奏塞責。尤屬具文。非是。
嗣後沿海地方。如尋常操演爬桅等技藝。仍